

LEFAPHA LA THUTO LA GAUTENG

DITLHATLHOBO TSA MAKGAOLAKGANG

OCTOBER / NOVEMBER 2005
OKTOBER / NOVEMBER 2005

SETSWANA PUO YA NTLHA
SEEMOGODIMO
(Pampiri ya Bobedi)

NAKO: diura tse 3

MADUO: 100

DITAOLO:

- Pampiri e, e na le dikarolo tse tharo e leng A, B, le C
 - Karolo A o tshwanetse go araba potso 1.
 - Mo go Potso 2 go dinopolo tse NNE tse o di filweng, araba tse PEDI fela.
 - Fa o araba tlhamo mo go karolo B o tshwanetse go araba dipotso tse dikhutshwane mo go karolo C, kgotsa fa o araba dipotso tse dikhutshwane mo go karolo B o tshwanetse go araba ya tlhamo mo karolong ya C.
-
-

KAROLO YA A
MABOKO

POTSO 1

Baithuti botlhe ba tshwanetse go araba nopolo e e latelang:

Buisa nopolo e e latelang gore o tle o kgone go araba dipotso tse di latelang:

Fa ke ne ke na le thata Nka bo ke bua le Mothati yotlhe Gore a re busetse kwa Segaetshong Go nne le tsweliso ya Setswana Go leswe segompieno se se dubang lefatshe	3
Ga go na mme le rre, Ga go na nkgonne le kgaitsadiake, Yo monnye, yo motona ga go na pharologanyo, Meriri ke dikgwa.	6
Khupo e atile e beile mo tsatsing, Kaparo ya senna le sesadi go tshwana fela Segompieno se sentse dilo!	9
	12

L S Thobega

1.1 Go tewa eng ka Mothatiyotlhe mola wa 2?

(2)

- 1.2 Ke nako efe e mmoki a ratang Mothatiyotlhe a re busetsa go yona? (2)
- 1.3 Neela ponagalo ya poko mo mola 6 le 7 (2)
- 1.4 Mmoki o ngongorega ka eng mo temeng ya bobedi? Neela dintlha di le pedi. (2)
- 1.5 Neela sekao sa gago sa kaparo ya senna le sesadi e e tshwanang mo segompionong. (2)

[10]

POTSO 2

Mo potsong e, go dinopolo di le NNE, mme o tshwanetse go araba di le PEDI.

Selelo sa Mmoki – MCD Mogotsi

- 2.1 Buisa ditemana tse di latelang mme morago o arabe dipotso tse di latelang:

DINAO TSAMAONG	
Kgatlhego e nrgwe fela pelong ya me: Go bona tsa me tsamaong, Go bona ke na le diphuka moweng,	3
Ke fofa ka tlhalefo loaping, Ke eletsa go fofa le nonyane, Mme ra kgabaganya meedi le melapo, Dithota, melelwane le mekgatšha ra ralala.	6
Letsatsi le gotela ka kgalefo Ya go raga seretse se ntshwere.	9
Dinao tsa me le tsona e kete d ka se katoga, Diketane le tsona tsa wela ka metlhoboloko Gore ke fofele godimodimo kwa marung, Kwa ke tla tsalwang seša gone, Mme morago ga boša, ke fetele pele.	12

- 2.1.1 Neela ponagalo ya poko mo mola 2-3. (1)
- 2.1.2 Nopola ponagalo eo. (1)
- 2.1.3 Mmoki o eletsa eng? (2)
- 2.1.4 Neela lebaka la keletso ya mmoki. (2)
- 2.1.5 Ke ponagalo efe ya poko e e dirisitsweng mo moleng 8-9? (1)
- 2.1.6 Tlhalosa ponagalo ya poko e o e fileng mo go 2.1.5. (2)

- 2.1.7 **Seretse** mo mola 9 le **diketane** mo mola 13 re ka re ke eng go ya ka mmoki? (2)
- 2.1.8 Tlhalosa mafoko **kwa ke tla tsalelwang seša gone.** (2)
- 2.1.9 Neela sekapuo se se fitlhelwang mo moleng 9. (1)
- 2.1.10 Setlhogo sa leboko le se kaya eng? (1)
- [15]**

2.2 Buisa nopollo ke eo, mme morago o arabe dipotso tse di latelang:

MOKGOKOUSA	
Malatsi ao a ntlodile fela ke sa a bona, A fetile a sa ntherisa, A othile thapo, a ikela ga soke, Mme a re tlogela re tsutubane.	3
Ngwana a ka go botsa motlhala o, O tlhoka le ke go tla ka karabo e lobaletse, O tshaba le ke go kaya tse di lo diragaletseng, Gonne di sa itsheka sentle mo kgopolong.	6
Botsofe, o mpogisetsang ke sa rate go tsofala?	9

- 2.2.1 Neela leina la sekapuo se se mo moleng 9. (1)
- 2.2.2 Mmoki o ngongorega ka eng? (2)
- 2.2.3 Mmoki o kaya eng ka mola 5? (2)
- 2.2.4 Ke ponagalo efe ya poko e e tlhagelelang mo mola 6 le 7? (1)
- 2.2.5 Tlhalosa ponagalo ya poko e o e fileng mo go 2.2.4. (2)
- 2.2.6 Mmoki o tshaba eng se se mo bogisang? (1)
- 2.2.7 Maikutlo a mmoki ke afe? (2)
- 2.2.8 Tlhalosa bokao jwa mafoko a a latelang jaaka a dirisitswe mo melathetong:
- (a) Karabo e lobaletse (mola 6) (2)
- (b) Go sa itsheka (mola 8) (2)
- [15]**

2.3 Buisa ditemana, mme morago o arabe dipotso tse di tla latelang:

MOLAETSA WA PHOLOGOLO	
E se re lo nkgolega, lwa nthiba matlho; Lwa boa lwa ntsenya ditshipi molomong, Ke batla go golegwa jaaka kgomo, Le matlho a me lo a le bale.	3
Ga se gore ke palelwa ke go goga, Mme ke gagamadiwa ke maïseo a barerui. Ka logong ba re kgobola mekwatla, Mme ba gagasela ba se na kutlwelobotlhoko.	6

- 2.3.1 Ke phologolo efe e e ngongoregang mo lebokong le? (1)
- 2.3.2 Ke sekapuo sefe se se renang mo lebokong le? (1)
- 2.3.3 Tshegetsa karabo ya gago ka go neela sekao. (2)
- 2.3.4 Ke ponagalo efe ya poko e e tlhagelelang mo meleng 6 le 8? (1)
- 2.3.5 Nopola ponagalo ya poko e o e fileng mo go 2.3.4. (1)
- 2.3.6 Kwala tse PEDI tsa dingongorego tsa phologolo e. 2x2=(4)
- 2.3.7 Neela sekapuo se se dirisitsweng mo mola 3. (1)
- 2.3.8 Tlhalosa mela e e latelang:
- (a) Ba re kgobola mekwatla. (2)
- (b) Ba gagasela ba se na kutlwelobotlhoko. (2)
- [15]**

2.4 Buisa ditemana tse di latelang, mme morago o arabe dipotso tse di tla latelang.

NGWETSI MALOBA	
Borramosimane re lebile lapeng leno, Mme ra kgatlhwa ke botho jwa ga Motsei, Boitshoko ra fetsa a na nabo. Kana kgomo go tsewa e e bokgwabo, Mosadi tshwene o jewa mabogo.	3
Motsei ga se kgagapa; Motse o tsile go o aga, Le mmamosimane o tsile go utwana nae.	6
Makwadikwadi one ga ba na go a atamela; Dipholo tse nne le tsone di a itse.	9

- 2.4.1 Tlhalosa setlhogo sa leboko le. (1)

- 2.4.2 Dipholo tse nne di kaya eng? (2)
- 2.4.3 Ka mela e MEBEDI tlhalosa se se diragalang mo temaneng ya ntlha. (4)
- 2.4.4 Neela sekapuo se se dirisitsweng mo mola 10. (1)
- 2.4.5 Tlhalosa sekapuo se o se fileng mo go 2.4.4. (2)
- 2.4.6 Neela ponagalo ya poko mo moleng 3 le 4 o bo o e nopole. (2)
- 2.4.7 Mmamosimane o tsalana jang le Motsei? (1)
- 2.4.8 Tlhalosa mola wa 9. (2)
- [15]

MADUO A KAROLO YA A: [40]

KAROLO YA B
TERAMA
POTSO 3

Dintshontsho tsa lorato – L.D. Raditladi

Fa o araba 3.1 o tshwanetse go araba 4.2 mo go Karolo C.
Fa o araba 3.2 o tshwanetse go araba 4.1 mo go Karolo C.

- 3.1 Buisa nopolo e e latelang ka kelotlhoko mme morago o arabe dipotso tse di latelang nopolo e:

O fetile, ke tla taboga ka thata,
Ke tla gata gangwe kgato di le tharo,
Direthe di tla bata phara tsa marago,
Ke tla di fa namane e tona ya tiro.
Go tsogile letlhatlhara mo teng ga ntlo,
Baratani ba tshwaraganetse lentlontlo,
Ba bua puo ya bone e kete ba a omana;
Ga ke ba reetse, Mmamotia, ke tla siana
Ntlo e athame fa pele ga me le ele,
Mojako wa yona o letile go nkamogela;
Ke tabogela go tsena nlong ele ya batho.
(O a siana)

- 3.1.1 Neela leina la mmui wa mafoko a. (1)
- 3.1.2 Mmui o bua le mang? (1)
- 3.1.3 Mmui o bua a le kwa kae? (1)
- 3.1.4 Ke mang yo mmui a reng o fetile? (1)

- 3.1.5 Motho yo o mo kaileng mo go 3.1.4 o feta jaana a tswa kae? O lebile kae? (2)
- 3.1.6 Tlhalosa ka boripana gore ke ka ntlha ya eng mmui a taboga thata fa a lemoga gore motho yo o mo kaileng mo go 3.1.4, o fetile. (4)
- 3.1.7 A lebaka la mmui la go sia le a tthaloganyesega? (2)
- 3.1.8 Lefoko **letlhatlhara** le kaya eng? Tlhalosa (2)
- 3.1.9 Letlhatlhara le tsositswe ke eng? (2)
- 3.1.10 Ditlamorago tsa letlhatlhara le, ke dife? (3)
- 3.1.11 Mmui o ne a diragalelwa ke eng fa a utlwa motho yo a mo kobileng a feta. (1)
- 3.1.12 Batho ba ba neng ba kgobokane mo lapeng le, mo mosong o o latelang ba ne ba batla eng? (2)
- 3.1.13 Tlhalosa gore mmui o raya jang fa a re **ntlo e atlhame**. (2)
- 3.1.14 Ke ntlo ya ga mang e a tabogelang kwa go yona? (1)
- 3.1.15 Mmui o bua ka **baratani**. Mo go bona baratani ba, neela fela leina la lekgarebe (1)
- 3.1.16 Tlhalosa dipolelo tse di latelang:
- (a) Go gata gangwe kgato di le tharo (2)
- (b) Go di fa namane e tona ya tiro (2)

[30]

KGOTSA

- 3.2 Kgosi thothobolo e olela matlakala. Sekaseka ditiragalo tsa terama e o ikaegile ka mathata a kgosi Sekgoma a lebaganeng nao. Karabo e se fete tsebe le halofo.

MADUO A KAROLO YA B: [30]

KAROLO YA C
PADI

POTSO 4

Masaikategang a magodimo – J.M.K Mekgwe.

Fa o arabile 3.1 o tshwanetse go araba 4.2.

Fa o arabile 3.2 o tshwanetse go tlhophisa 4.1

4.1 Buisa nopollo e e latelang mme o arabe dipotso.

E re go twe mmeelanyi wa dipitse tsa lobelo yo o sa gadimeng kwamorago, go bo go tewa re Sehume ka namana. E re a re, "Ke lorile e tshweunyana" a bo a ipheditse. O a re leina la "Bra White" o rakane nalo kae, mmadi? Aitsane ina lebe seromo! Ao, le ene Mohurutshe o ne a setse a le amogetse ka tsoopedi, motho wa batho, e bile go ka se rone go mmona a saena tšheke ka lona!

- 4.1.1 Bra White ke mang? (1)
- 4.1.2 Leina le, o le bone jang? (2)
- 4.1.3 Neela leina la tsala ya ga Bra white. (1)
- 4.1.4 Banelwa ba, ba ne ba tsalane ka eng? (2)
- 4.1.5 Ke eng se se dirileng gore go nne le kgotlang mo pading e? (2)
- 4.1.6 A tsala e, ya ga Bra White e ne e tshepagala? (1)
- 4.1.7 Tshegetsisa karabo ya 4.1.6 ka lebaka le le utlwalang. (2)
- 4.1.8 Bra White o ne a ikgotsofatsa ka go dira eng? (2)
- 4.1.9 Molwantshiwa o ne a batla go dira eng ka madi ao? (2)
- 4.1.10 Ke eng se se dirileng gore a tshabe kwa Nkaikela? (2)
- 4.1.11 O ne a ya kae? (1)

- 4.1.12 Neela dilo di le PEDI tse a neng a di dira fa a fitlha koo. 2x2=(4)
- 4.1.13 Ke ka ntlha ya eng fa Bra White a ne a ngwega kwa kgolegelong.
Neela mabaka a le MABEDI 2x2=(4)
- 4.1.14 Ke phoso efe e mapodisa a e dirileng? (2)
- 4.1.15 Go kaiwang fa go twe ina lebe seromo? (2)
- [30]**

KGOTSA

- 4.2 Rrankelenyane le Khuduga ga ba farologane ka mekgwa; ke di ya thoteng di bapile. A o dumalana kana o ganana le ntlha e? Fa go ntse jalo, kana go sa nna jalo, anaanela o tshegetse karabo ya gago ka mabaka go tswa mo pading e. Karabo e se fete tsebe le halofo.

MADUO A KAROLO YA C: [30]

PALOGOTLHE: 100